

四庫全書

史部

欽定四庫全書

欽定盛京通志卷七十三

國朝人物

九

鑲黃旗滿洲

欽定四庫全書

欽定盛京通志卷七十三

國朝人物九

鑲紅旗滿洲

博爾晉世居完顏以地為氏

太祖時來歸任佐領隸鑲紅旗滿洲尋以侍衛從征富勒
嘉齊挾族弟錫喇布與哈達錫特庫戰錫喇布中
兩天博爾晉拔其矢還射錫特庫殪之天命六年

命董彝薩爾澍城工竣從大軍攻瀋陽擊敗明總兵賀世
賢陳策軍既下其城進攻遼陽明總兵李懷信侯
世祿蔡國柱姜弼童仲揆等率衆五萬陣于城東
南五里與我左翼兵戰方酣城中兵復自西門出
援博爾晉方偵敵城西遂合兩紅旗兵奮擊明兵
退入城爭門相蹂踐死者枕藉及左翼兵大捷乘
勝薄城下緣雲梯登城博爾晉麀衆畢登又下之
分兵攻沙嶺擊敗廣寧援軍八年以叅領征扎嚕

特貝勒昂安進兵額爾格埒搗其巢昂安挽牛車
挈妻子遁追及之昂安殊死戰格殺之車下俘獲
甚衆凱旋十年擢副都統東征瑚爾哈部降五百
戶以歸

太祖勞之渾河尋與理事十大臣之列

太宗即位擢都統天聰元年大軍圍錦州距城西二里而
營明寧遠兵來援會博爾晉自瀋陽率兵至擊敗
之追殲之寧遠城下累功授一等男爵尋卒康熙

三年追諡忠直長子本托輝官佐領兼都察院理事官第四子特津以戰績知名天聰中授騎都尉
崇德五年從鄭親王濟爾哈朗屯田義州多羅特部蒙古素班岱來歸以兵迎其孥于杏山西五里
臺明總兵祖大壽吳三桂劉周智踞杏山邀戰擊敗之六年從圍松山攻寧遠並有功順治元年從入關以步卒敗李自成于望都明年任兵部理事官三年從肅親王豪格西征張獻忠敗賊將胡敬

德于三水高汝礪于禮縣進勦獻忠于西充平之
又敗其黨楊正于馬湖六年大同總兵姜瓖以衛
城叛由絳州侵及壽陽特津率兵往勦斬級千餘
連敗之阻馬得勝二路移師次汾州賊七千夜犯
兩紅旗營特津擊走之遂勦賊于平遥遼州榆社
次第就平七年擢兵部侍郎兼副都統十二年再
擢都統列議政大臣十五年從信郡王多尼平貴
州雲南前後敘功游晉爵至二等男康熙十一年

卒

予祭英謚襄壯

哈哈納姓那木都魯隸鑲紅旗滿洲

太祖時以佐領從征烏拉身中數創猶力戰尋將所部兵
戍賽明吉未至聞其渠率衆叛兼程疾進斬三百
餘級收男婦五百餘人而還天命四年經略楊鎮
合四路兵來犯戰於界藩尚間崖及阿布達哩岡
大破之遂取開原鐵嶺二城哈哈納俱在事有功

從征遼陽斷其援兵分攻沙嶺城敗廣寧兵之赴救者

太宗即位列十六大臣任副都統天聰八年略錦州進征寧遠所乘馬仆於陣徒步戰益力不少卻修繕海州城明人來撓我版築擊走之尋援耀州釋其圍追敗明兵于渾河崇德元年從入長城攻克昌平涿州二城未幾以創發致仕

布顏岱姓博爾濟吉特初為烏魯特貝子天命中

率所部自錫拉塔喇來歸尚主為額駙子二等輕
車都尉世職隸滿洲鑲紅旗十一年從攻寧遠未
下分兵取覺華島殲其衆焚所積芻糧而還天聰
元年從征朝鮮三年從入龍井關克大安口取遵
化薄燕京四戰皆捷循海子而南趨良鄉下其城
還軍至盧溝橋明副將申甫結車營以拒布顏岱
麾七騎直前蹂其營大軍繞營後縱擊之御車者
惶懼不能轉殲殘殆盡明年春移駐遵化屢卻敵

五年授禮部承政兼副都統從圍大凌河城明兵
出城戰身被創戰益厲陣斬其驍將一人六年從
略宣府大同西抵察哈爾招降其部衆時察哈爾
汗林丹竄走土默特其部衆多潰散八年偕侍衛
星訥等復往招之取道哈瑪爾嶺進次錫喇穆倫
降其戶百餘其宰桑方率衆來歸遇諸道遂攜以
還是年敘功晉爵三等男九年擢都統崇德元年
從武英郡王阿濟格征明克昌平安州等城既凱

旋坐旋軍不整並縱其軍校出掠罷都統降世職
為一等輕車都尉順治元年復為前鋒叅領從入
關敗流賊李自成再敗之望都從豫親王多鐸擊
賊潼關並有功明年加一雲騎尉四月從征江南
戰于黃河濱所乘馬蹶身中數創猶策馬直前發
矢殪敵尋以創發卒於軍年六十有一

庫爾禪姓鈕祜祿隸鑲紅旗滿洲父索塔蘭尚公
主為額駙生子四庫爾禪其次子也自幼育於

宮禁性穎悟好學比長給事文館兼任為佐領天命
四年如喀爾喀五部莅盟九年使科爾沁部還報
稱

旨授騎都尉世職天聰元年征朝鮮其王李倰遁走海島
太宗不欲究武遣庫爾禪往諭降之朝鮮警服立要誓乞
輸歲幣如約三年

命同在廷諸臣編緝國史尋從征明薄燕京明年還軍取
灤州有功五年朝鮮入貢愆期

遣庫爾禪齎諭責悰悰惶恐報謝庫爾禪道習漢文與達
海齊名並

賜號巴克什屢出奉使能得其要領六年

遣諭明邊臣釋兵以休養百姓還報逾期又嘗以百口保
降將劉興祚至是興祚叛去庫爾禪下吏論死順

治元年

世祖追念前勞擢其子瑪拉為戶部郎中

庫拜庫爾禪之弟也天命三年從取撫順明總兵

張承蔭以兵來援擊走之六年從取瀋陽遼陽以
功授騎都尉世職天聰五年從征瓦爾喀部襄創
力戰攻克其一屯尋授吏部叅政八年從征黑龍
江諸部俘獲無算諭降瑚爾哈部人遷之來歸前
後敘功晉世職至二等輕車都尉崇德三年改吏
部理事官五年卒

巴奇蘭姓納喇隸鑲紅旗滿洲少從征伐積功授
三等輕車都尉世職天命十一年從攻寧遠未下

分兵攻覺華島破之尋與十六大臣之列天聰三年從征明薄燕京戰永定門外大捷七年以步軍統領從攻旅順口與薩穆什喀駕輕舸先進明將黃龍陳兵拒於岸巴奇蘭冒矢石登岸面中創及於肩脇戰益厲龍斂兵退守城我軍進圍之巴奇蘭號於軍曰孰能超躍先登者於是葉赫珠瑪喇永順躍而登巴奇蘭率兵繼之明兵殊死拒城上我兵有欲下者巴奇蘭復號于軍曰殺敵人矣又

曰敵走矣我兵益奮而前克其城八年以副都統
將兵征瑚爾哈諸部盡收其地俘獲人畜無算凱
旋悉以俘獲賜之已而旅順口被創潰遂卒贈爵
一等男予世襲

葉臣姓完顏隸鑲紅旗滿洲初從

太祖敗蒙古兵于鐵嶺遂以驍勇知名天命六年從克遠
陽授三等輕車都尉世職

太宗即位設理事十六大臣葉臣與馮天聰元年從征朝

鮮以八十人先驅過明邊境獲其哨卒殲之既抵朝鮮薄義州城先登進二等輕車都尉尋蒙古降人遁叛葉臣追斬其首悉縛其從行者以還功最晉爵三等男四年從攻永平城守者方燃礮以拒火未及發葉臣已躍登城遂破之晉三等子五年任都統從攻大凌河明將祖大壽勒兵出戰連敗之城下七年從取旅順八年入明邊徇得勝堡略大同以西至于黃河擊破朔州騎兵崇德元年從

征明越燕京而南別將兵克安州寶坻縣是年再
征朝鮮入其國都俘獲多二年偕都統阿山攻皮
島斬其守將沈世奎敘功晉一等子四年復入明
邊道出太平寨克青山闕七年駐防錦州順治元
年督兵征山西勦平偽伯陳永福招降諸將吏撫
輯居民山西悉定還軍平定州土賊是役也凡下
府九州二十七縣一百四十二年偕勒克德渾
討武昌餘寇平之五年卒

永順姓棟鄂隸鑲紅旗滿洲先世居瓦爾喀

太祖時偕其從兄阿蘭珠來歸阿蘭珠為十大臣之冠從
征烏拉歿于陣別見忠節傳永順素英銳每攻戰
輒為軍鋒天聰三年從克遵化明年還軍取永平
明兵敗入昌黎以教漢巴林諸部兵攻其城久不
下乃

命永順往助之有功授二等輕車都尉予世襲尋以事革
七年從貝勒岳託以舟師攻旅順口明將黃龍悉

力以拒初陳兵拒于厓繼又斂兵拒於城城守具甚備我軍奮勇攻之乃拔及論功先登厓者巴奇蘭薩穆什喀第一先登城者永順葉赫珠瑪喇第一身皆被數創永順自是益名驍將復世職如故八年從征薩哈連烏拉獲丁壯五百以還崇德二年從克皮島四年從征索倫師旋薩哈連烏拉復結烏魯蘇首博穆博果爾合兵六千邀於路永順與索海設伏擊敗之加一等輕車都尉六年從圍

錦州別將兵扼要隘過其奔潰所斬獲甚衆順治
初游晉爵二等男累官至都統卒弟喀爾瑚從圍
松山城以力戰死亦見忠節傳從子和托事

太宗為副都統屢從征伐有功順治元年從定燕京尋率
寧遠兵討山東流賊時流賊趙應元者詐降入青
州據其城叛和託設計擒斬應元復青州二年敘
功授騎都尉世職明年加三等輕車都尉擢吏部
侍郎兼副都統如故卒於官

康喀勒姓納喇輝發貝勒旺吉努之孫也

太祖時來歸隸滿洲鑲紅旗授佐領天聰六年從征察哈爾其汗林丹驚竄部人皆流散八年分遣諸臣招降之康喀勒與岱青塔布囊等以兵詣錫爾哈錫伯圖所降其衆予騎都尉世職崇德三年兼授刑部理事官五年擢副都統六年從圍錦州松山二城七年二城皆下復從克塔山城順治元年從入關擊流賊李自成以功加雲騎尉尋從豫親王多

鐸征江南偕都統準塔先驅抵徐州水陸並進師
次清河明總兵劉澤清遣部將馬化豹張思義等
以戰艦千餘拒戰淮黃口康喀勒發礮毀其艦河
流頓為之赤遂分兵襲澤清澤清遁乘勝下淮安
進擊明總漕田仰兵于湖口橋敗步卒三千再敗
之三里橋三敗之如臯攻克通州招降其旁近城
邑二年授鎮守江寧副都統時江北諸城未靖江
寧奸民將作亂謀以城應賊康喀勒偕駐防總管

巴山偵知之先期誅倡亂者三十人乃定已而偽
潞安王朱誼石引衆二萬餘分三道來犯並擊走
之三年殺功晉三等輕車都尉予世襲四年卒
洪尼雅喀姓烏扎庫隸鑲紅旗滿洲世居噶哈里
幼為烏拉所擄既有家乘間棄妻子脫走故居遂
奉父母挈諸弟來歸

太祖察其義勇任以佐領天聰初積功為三等輕車都尉
予世襲從功錦州城奮身躋頽堞堞毀而墮傷其

足城上矢石雨下其弟薩穆唐阿力衛之出而其弟竟以創重死八年大錄開創勲臣晉洪尼雅喀世職為二等輕車都尉尋卒護軍統領薩蘇喀者亦洪尼雅喀弟也

太宗時屢從征伐功多順治元年追擊流賊李自成別見忠節傳

布善姓伊爾根覺羅隸鑲紅旗滿洲事

太宗為護軍叅領尋擢統領列議政大臣崇德五年從圍

錦州擊敗杏山騎兵六年七月明總督洪承疇以
兵十三萬來援營松山西北岡與大軍相持兩閱
月饗運不繼

太宗度敵必遁分遣諸將斷其歸路是夜明兵果遁諸將
迭擊之布善窮追至海濱殲敵無算八年從鄭親
王濟爾哈朗攻克前屯衛復與阿濟格尼堪攻中
前所拔其城順治元年從入關擊敗李自成敕功
予騎都尉世職二年從豫親王多鐸征江南卒於

軍

賜祭葬如例

富喀禪姓那木都魯隸鑲紅旗滿洲天聰三年以
護軍校從征明敗敵大安口五年從攻大凌河城
明監軍叅政張春總兵吳襄宋偉來援戰于長山
身被數創馬中流矢死襄創步戰戰益力奪其大
燾以還八年從攻大同克其城東寨是年任佐領
崇德元年從征朝鮮有斬獲三年授工部理事官

魚叅領從攻寧遠中後所破敵西山岡順治元年
從入關擊走流賊李自成三年擢西安總管時流
賊劉文炳郭君鎮等寇掠延安慶陽四年富喀禪
督兵往勦遇賊邠州擊敗之追蹙之三水斬君鎮
別遣遊擊胡來覲等擒文炳于藍莊溝殲其黨殆
盡五年回人米喇印丁國棟等嘯聚河州作亂富
喀禪偕總督孟喬芳撫降之既而國棟米喇印復
踞甘州叛結纏頭賊土倫泰等陷肅州富喀禪遣

副將馬寧張勇勦平國棟身率兵圍米喇印斫其
樵採賊既疲以雲梯攻城城破米喇印突圍欲遁
躡斬之于陣甘肅悉平六年總兵姜瓖據大同叛
連陷山西郡邑富喀禪遣協領根特叅領都敏赴
援敗賊猗氏擒其黨衛登方七年復遣兵勦賊合
水斬其渠劉宏才先後報捷得

旨嘉獎屢晉爵至一等男

聖祖即位改西安將軍初李自成竄死賊將劉二虎郝搖

旗袁宗第皆降于明大學士何騰蛟騰蛟就擒二
虎等復聚匿歸州興山間康熙二年富喀禪與總
督李國英副都統都敏等進兵巫山擊二虎等于
陳家坡二虎敗走天池寨窮蹙自經死搖旗宗第
走黃草坪追擒之並獲偽東安王朱宗藻偽官洪
育鰲等斬于軍斂功晉三等子七年以疾致仕八
年卒年六十有三

賜祭葬如例

瑪喇希姓完顏隸鑲紅旗滿洲錫喇布次子也錫

喇布事

太祖為理事十大臣歲癸巳戰于富勒嘉齊中兩矢殁事

見忠節傳

太祖追卹錫喇布蔭其長子噶噲為三等輕車都尉噶噲

從征沙嶺以功晉世職為二等輕車都尉尋卒無

嗣天聰九年

太宗錄功臣子以瑪喇希為佐領並襲其兄職崇德中從

征卦勒察有功任刑部理事官擢副都統再擢都
統從貝勒阿巴泰征明奪黃崖口入長城所至克
捷順治元年從破流賊李自成追敗之望都偕都
統阿山征山西陝西濟蒲津擊賊多所斬獲移師
會豫親王多鐸南征明年自歸德渡河奪泗北淮
河橋明兵焚橋遁大軍遂夜涉抵武岡寨攻拔之
引兵而東擊敗明總兵黃蜚等于常州下宜興進
攻崑山破其水軍薄城下乘顏璟先登遂克之又

克常熟四年從肅親王豪格西征敗叛將賀珍于漢中珍走西鄉躡及于楚湖復大敗之前後累晉爵至三等子九年偕護軍統領阿爾津平定廣東移鎮漢中尋以所部兵征湖廣並有功十一年卒

賜祭葬諡忠僖

瑪沁姓完顏隸鑲紅旗滿洲都統博爾晉之孫也初為護軍校洊擢護軍叅領崇德三年從貝勒岳託入牆子嶺敗明總督吳阿衡軍六年從圍錦州

戰松山皆有功順治元年從定燕京敗流賊李自成于望都授騎都尉世職五年擢副都統七年遇恩詔加一雲騎尉是年從鄭親王濟爾哈朗征湖廣軍次衡州疾卒

賜祭葬

瓦爾喀姓完顏隸鑲紅旗滿洲天聰時任前鋒校每臨陣輒奮爭先中創不少卻屢得

恩賚崇德三年從貝勒岳託入牆子崩越燕京趨山東攻

海豐縣先登七年從貝勒阿巴泰入黃崖口轉戰
至山東攻范縣以長鎗鑿垣為礮緣以登城克之
順治三年從肅親王豪格勦流賊張獻忠于四川
屢擊敗賊斬級二十餘生擒哨騎十人有護軍阿
納海者陷于陣攢刃將及瓦爾喀馳騎架前格殺
二人援以出五年從副都統烏拉禪駐防大名勦
土賊于祁州於臨洛關並多斬獲洊晉三等輕車
都尉世職九年授工部理事官十三年董修

乾清宮成十五年

奉先殿成再晉一等輕車都尉十六年署前鋒叅領從都
統卓洛駐防雲南元江土司那嵩據城叛攻克之
康熙元年還京授叅領五年遷西安副都統七年
擢西安將軍十二年冬吳三桂反四川巡撫羅森
提督鄭蛟麟總兵譚洪吳之茂等並叛附三桂十
三年瓦爾喀率所部馳赴漢中分三路疾進擊譚
洪兵于野狐嶺並發其伏殲之乘勝趨陽平關復

之連復七盤朝天二關先後擒斬賊萬餘獲旗幟
器械無算進攻保寧鑿濠塹而圍之相持久未下
尋卒于軍十六年議政大臣等追論瓦爾喀圍保
寧時不乘賊未備疾攻乃奪原官削其世職

徹爾布都統葉臣長子也初任叅領崇德六年從
攻錦州設伏高橋敗明兵之遁自杏山者尋擢護
軍統領順治元年從入關擊敗流賊李自成追擊
之安肅望都皆捷是年冬大軍分兩道勦自成于

陝西一軍自河南入潼關以豫親王多鐸領之一
軍自土默特鄂爾多斯入榆林以英親王阿濟格
領之徹爾布從英親王出邊鑿黃河水濟師明年
進圍延安大破賊賊遁走湖廣躡至安陸賊將渡
江而南橫擊之獲其船八十復敗其騎兵於九宮
山凱旋進列議政大臣三年西征張獻忠與貝勒
尼堪等分徇遵義夔州斬獲甚多六年討大同叛
鎮姜瓖圍其城賊黨自阻馬得勝二路來援倚北

山而軍以逼我師環率衆出城應之列營拒戰勢
張甚護軍統領鰲拜縱兵奮擊破其一營徹爾布
麾所部繼進殲之城下十二年偕大將軍伊勒德
征海賊于浙江先是明魯王朱以海與偽侯阮進
等據舟山大軍勦之進就擒偽伯阮思等奉以海
遁尋依鄭成功於兩島及是以海既前死成功稱
明桂王偽號剽掠海上遣思及偽總制陳六御等
犯舟山陷之而偽總兵王長樹毛光祚沈爾序等

復竊發大嵐山以為之援浙東大擾十三年師至
浙先檄兵擊大嵐賊陣斬長樹光祚爾序於南斗
門遂以舟師自寧波趨定海賊以戈船二百迎戰
擊敗之追至衡水洋斬思及六御擒偽總兵林德
等百餘人遂定舟山十四年班師先後遇

恩詔並論戰功晉爵至一等伯魚一雲騎尉十五年與將
軍明安達哩駐防貴州明年移駐荊州聞成功寇
江寧自荊州赴援敗偽都督楊文英於楊子江港口

十七年遷京十八年遷都統康熙三年以疾罷
年卒

予祭葬如例弟徹楞以戰功授三等輕車都尉

察哈泰姓薩克達隸鑲紅旗滿洲天聰時以護軍
累從征伐積功授驍騎校視佐領事崇德元年從
征朝鮮先驅敗敵于納穆山三年從貝勒兵託征
明越燕京趨山東攻克濟南府城六年從圍錦州
敗明總督洪承疇援兵于松山八年從取前屯衛

中後所二城順治元年從豫親王多鐸進兵河南
勦李自成于陝西大破之潼關遂定西安二年從
貝勒博洛征福建五年從大將軍譚泰討叛鎮金
聲桓于江西聲桓遣其黨拒戰擊敗之焚其戰艦
進圍南昌屢戰皆捷下其城六年從護軍統領敦
拜勦獻縣任邱諸土賊盡殲之擢戶部理事官尋
改太僕寺理事官累加世職至三等輕車都尉十
四年授叅領兼太僕寺卿十六年擢副都統十七

年偕寧古塔總管巴海征俄羅斯敗其衆于江隈
招降賞雅喀百二十餘戶而還十八年追論俄羅
斯之役舟師有失利者匿不以聞遂革世職罷副
都統專任佐領事尋從靖東將軍濟什哈征山東
土賊于七破其黨呂思曲俞三等數千人進圍岨
嵎山擣平賊巢康熙三年復授副都統十二年遷
護軍統領加太子少保十三年授鎮東將軍駐防
兗州十四年以所部兵赴荊州協勦逆藩吳三桂

十五年卒于軍

賜祭葬如例

羅璧勞薩第也勞薩見忠節傳羅璧初任佐領於
新城遇明將毛文龍採叅船斬馘甚衆並毀其船
崇德五年從征明圍錦州擊松山兵敗之六年復
圍錦州松山明兵來劫我巨礮擊卻之時有明兵
出城樵採羅璧領燾直前復敗之旋設伏木城破
其馬軍明經略洪承疇以三營兵來戰領燾敗其

衆身受八傷戰彌厲七年敘功授佐領世職順治元年隨征流賊追至慶都敗之二年追敗流賊于延安招撫鳳翔等處連破賊營嗣三遇

恩詔加一等輕車都尉世職十二年兄子呈尼陣歿以羅璧襲一等伯兼一雲騎尉又併已所得世職為二等公呈尼亦見忠節傳

布爾孫都統葉臣族孫也崇德七年從圍錦州破明經略洪豸疇軍追至筆架山塔山崩連戰皆捷

俘馘無算尋復屢敗明兵于杏山塔山連山寧遠沙河等處順治元年入闕敗賊將唐通兵追至安肅慶都連敗之敘功授佐領世職從弟泰什哈崇德元年從征明攻保定先登積功於順治初加三等輕車都尉世職歷官副都統

珊延庫拜子也崇德八年從征明攻前屯衛有功順治元年擊敗流賊于山海關追破之加二等男世職官副都統族弟哈爾薩於崇德三年從征明

至山東攻克海豐六年從圍錦州誘敗明松山兵
復松山北山明兵來犯我況地擊卻之八年從征
薩哈連烏拉圍其城斷其汲道招降之順治初加
佐領世職

岱祿哈哈納子也初任佐領崇德八年從征明連
敗明兵于薊州玉田等處及攻河間先登至山東
攻滕縣曹縣皆先登賚銀幣名馬順治初從征福
建浙江康熙時從征西安平涼秦州保寧皆身先

進戰有功

珠希齊瓦爾喀族子也天聰八年授三等叅領世職從征察哈爾朝鮮及山東濟南山西大同等處皆有功崇德八年隨征明攻永平被創落齒順治三年隨追騰吉思擊土謝圖汗等俱敗之俘獲無算嗣三遇

恩詔加一等輕車都尉又一雲騎尉世職

訥濟蘭隸鑲紅旗滿洲世居長白山

國初自烏拉來歸攻理發伊罕山等處有功授備禦
天命四年從攻葉赫進戰有功加遊擊世職

喜福隸鑲紅旗滿洲隨其父葉古德來歸初任兵
部理事官隨征薩哈連烏拉有招撫及俘獲功順
治三年從征山西敗賊于寧武左衛至四川賊渠
賀珍方圍漢中擊走之五年考績並遇

恩詔加三等輕車都尉世職及卒晉贈二等子科爾崑襲
喀爾岱隸鑲紅旗滿洲

國初來歸令管佐領事天聰八年從征瓦爾喀有招
撫功及卒子穆爾泰襲職順治二年隨征陝西山
西潞安肅州屢立軍功

查哈泰穆爾泰弟也初隨征棟奎及攻明永平大
同大凌河等處皆有功天聰元年從征朝鮮圍納
穆山奮勇先驅崇德六年攻塔山克之八年攻前
屯衛中後所復有功追破流賊于潼關二年從征
福建有功加佐領世職五年征江西叛鎮金聲桓

五戰皆捷六年勦河間土寇屢敗之保定任邱雄
縣加世職三等輕車都尉任太僕寺卿兼副都統
緣事罷為佐領十八年征山東土賊于七敗之凱
旋仍擢副都統康熙十三年擢護軍統領加太子
少保統軍討逆藩吳三桂耿精忠

恩賚有加改鎮東將軍鎮兗州明年征湖廣十五年卒於
軍

賜祭葬如例

和托姓納喇隸鑲紅旗滿洲崇德二年隨征明擊
豐潤縣兵敗之攻深州博平皆先登四年隨征薩
哈連烏拉伏兵擊敗之加世職佐領任兵部理事
官五年七年隨圍錦州皆屢著有戰功八年擊敗
明寧遠兵順治元年入關破流賊追至慶都大敗
之累加世職一等叅領兼一雲騎尉子和布索襲
勞翰隸鑲紅旗滿洲少事

太祖每行軍隨侍不離左右會有敵兵猝犯大營勞翰奪

其刃傷四指遂成殘廢然居恒常宿衛終其身効力勤勞順治十一年追贈騎都尉以其孫額素承襲

愛圖隸鑲紅旗滿洲世居尼瑪察以地為姓性驍勇果敢曾率二十人襲取十三站寨授備禦世職

賜號巴圖魯天聰元年從攻朝鮮義州首先衝入遂克其城敘功加世職為三等叅領子艾達漢崇德元年從征朝鮮臂傷不能從軍順治初授一等輕車都

尉魚一雲騎尉

剛吉納姓錫克特哩隸鑲紅旗滿洲天聰五年從
征明大凌河連擊監軍道張春軍時我兵未進剛
吉納獨執纛當先殺入敗之八年敘功授佐領世
職

噶爾糾姓錫克特哩隸鑲紅旗滿洲天聰八年授
佐領世職崇德二年追逃人葉雷至溫都悉斬俘
以歸凡在行間六踰月

太宗命都統以下出迎五里宴賚之順治七年

恩詔加二等輕車都尉

布色赫隸鑲紅旗滿洲崇德三年從征明攻深州
以第二人登城克之四年論功

賜號巴圖魯授佐領世職順治元年隨入關擊敗流寇又
隨定山西至太原土寇千餘來犯擊敗之又擒其
偽帥嗣累遇

恩詔加一等輕車都尉

布善隸鑲紅旗滿洲崇德六年隨征明圍錦州領
轟擊敗明杏山兵又敗明經略洪承疇軍八年隨
取前屯衛圍中前所克其城順治元年從入關擊
流寇有功二年授佐領世職嗣加二等輕車都尉
瑚護納隸鑲紅旗滿洲崇德五年隨圍錦州擊敗
松山兵六年重圍錦州明經略洪承疇以兵來犯
我汎地擊敗其衆順治三年從追騰吉思擊土謝
圖汗碩雷汗兵進戰有功所至擒遂哨騎斬馘甚

衆五年敘功累遇

恩詔加三等輕車都尉

蘇完拜姓伊爾根覺羅隸鑲紅旗滿洲崇德六年
隨征明圍錦州擊松山兵三敗其衆順治元年隨
入闖擊流賊有功從定河南連敗流賊於潼關又
敗之西安二年隨定浙江至平湖屢敗敵軍七年
恩詔加騎都尉同旗有布達禮崇德七年攻塔山城先登
論功順治初加三等輕車都尉

塔爾吉善姓錫克特哩隸鑲紅旗滿洲崇德八年
隨征明攻順德以第二人登凱旋敘功

賜號巴圖魯順治初三遇

恩詔加一等輕車都尉

勒德姓納刺隸鑲紅旗滿洲崇德八年隨征明至
山東攻臨清州以第三人登順治初三遇

恩詔加三等輕車都尉緣事降騎都尉

覺羅肇班隸鑲紅旗滿洲

景祖長兄之二世孫也崇德八年隨征明山東擊敗明總
兵白騰蛟等軍進攻朝城先登克其城順治二年
隨征流賊至潼關再敗賊衆賊兵夜犯我營復擊
敗之論功嗣累遇

恩詔加三等輕車都尉世職

科齊姓翁鄂隸鑲紅旗滿洲崇德八年隨征明至
山東攻費縣以第二人登城克之順治初三遇

恩詔加三等輕車都尉世職

七哈拉隸鑲紅旗滿洲世居倪沙以地為姓崇德
八年隨征明至山東攻魚臺先登克之論功加優
敘順治初三遇

恩詔加三等輕車都尉緣事降雲騎尉

克什格隸鑲紅旗滿洲世居棟鄂以地為姓崇德
八年從征明攻東安衛先登克之凱旋錄其功順
治初累遇

恩詔加騎都尉

烏爾東阿姓富察隸鑲紅旗滿洲崇德八年隨征
明至山東攻日照先登克其城敘功並遇


恩詔加三等輕車都尉十四年卒

松果圖隸鑲紅旗滿洲崇德八年從征明山東攻
臨清先登

賜號巴圖魯授佐領世職順治元年從征山西下太原尋
至陝西三敗賊衆於延安前往招撫鳳翔遇賊潼
關敗還之衆迎擊敗之二年至江南招撫池州并

獲沿河戰艦論功嗣遇

恩詔加一等輕車都尉同旗有丹達立亦以崇德八年從
征明山東攻朝城以第二人登論功加優敘順治
初加三等輕車都尉



欽定盛京通志卷七十三

欽定四庫全書

史部
欽定盛京通志卷七十五

少詹事^臣曹城履勘

總校官編修臣朱鈴

欽定四庫全書

欽定盛京通志卷七十四

國朝人物

+

正藍旗滿洲

欽定四庫全書

欽定盛京通志卷七十四

國朝人物十

正藍旗滿洲

達爾漢姓郭絡羅隸正藍旗滿洲先世居沾河父
揚舒率部衆來歸我

太祖以長公主下嫁之時

鴻業初創輝發哈達諸部恃強拒命揚舒戮力行間所至

有功及卒

太祖親奠馘焉達爾漢為長公主所出生而英特比長尚
公主為額駙管佐領事天命四年二月從敗明兵
於界藩八月從征葉赫下其城積功封一等男

太宗即位列八大臣尋擢都統征札嚕特部單騎突陣擒
其渠又征棟鄂部大破之俘古穆楚赫爾父子以
歸天聰元年從征朝鮮克義定安諸州三年從征
明以鑲黃旗兵拔遵化五年以本旗兵從攻大凌

河敗明人步騎五百九年征明山西同都統阿山
營於要地制明寧錦兵使不得西援途遇敵兵八
百共擊敗之斬錦州副將劉應選崇德元年從武
英郡王阿濟格征明攻順義縣先登六年從征錦
州順治元年卒

鄂洛塞臣額駙達爾漢之長子也天聰中從其父
攻大凌河崇德元年從征朝鮮並有功五年六年
兩圍錦州鄂洛塞臣並在軍中屢引兵斷其樵採

擊敗松山援兵明總督洪承疇擁衆十三萬來援
連破其步卒三營以功授二等輕車都尉世職擢
副都統順治元年將兵定黑龍江諸部凱旋

特遣大臣宴勞於郊二年從豫親王多鐸勦流賊李自成
進薄潼關賊堅壁拒守鄂洛塞臣奮勇先登擒其
渠於陣洊晉爵二等男六年擢都統尋改刑部侍
郎疊遇

恩詔晉爵二等子十六年駐防荊州以兵破海賊鄭成功

於揚子江康熙三年卒贈太子太保謚果毅

賜祭葬如例

布當姓博爾濟吉特初為烏嚕特部貝子天命七年率部衆來歸授二等輕車都尉俾領所部蒙古為一旗天聰三年從征明入龍井關攻遵化明總兵趙率教等以步騎四千來援大敗之叙功晉爵三等男六年從征察哈爾師還俘獲少又不即隸戶籍所部蒙古亦多違約束不能成一軍遂改隸

滿洲正藍旗崇德三年擢刑部右叅政四年卒子
袞濟襲爵布當之弟曰色稜遵化之役亦在軍中
及圍錦州並有戰績順治元年從入關追敗流賊
李自成屢殲其衆二年復隨豫親王多鐸追擊之
于潼關自成竄商州移師將下江南賊黨亦轉而
南躡我師後色稜為殿進擊破走之三年騰吉斯
叛附喀爾喀從豫親王往追其衆擊敗土謝圖汗
碩雷汗等援兵叙功並遇

恩詔晉世職至一等輕車都尉兼一雲騎尉十二年卒子
札木揚襲

蘇嚕邁姓嵩佳隸正藍旗滿洲世居棟鄂幼從征
太祖奇其勇從攻撫順遼陽瀋陽並先登搏戰取之授佐
領天聰元年征朝鮮攻義州以二十人先登三年
征明克紅山口城授騎都尉世職四年圍永平乘
夜攻城力戰被創

太宗遣大臣往視加三等輕車都尉世職

賚以馬幣

賜號曰巴圖魯尋擢副都統為兵部叅政從攻旅順口及

寧遠城並有功其攻鵬鷄堡也飛礮傷其口獨戰
未常反顧竟破之以殘廢辭職順治七年九年三
遇

恩詔加世職一等輕車都尉進至三等男康熙元年卒謚

勤勇長子蘇爾濟順治元年從入關亦屢著有軍

功

達海姓覺爾察隸正藍旗滿洲其祖博洛來歸父
父密禪任散秩大臣達海九歲即通滿漢文義弱
冠

太祖賜居內院司文翰每草詔令稱

旨遂

命正訂國書達海更為對音切字諧聲文義周密譯明會
典素書三畧諸書莫不稱善天聰三年

太宗伐明不欲究武遣達海賫書與明議和明人閉關不

啟復以書二一置德勝門外一置安定門外四年
克永平令達海立城上執黃纛諭降其民是年譯
書成授三等輕車都尉世職

命曰巴克什五年征大凌河使招總兵祖大壽反復善諭
大壽遂降十二月定朝儀六年詳定國書字體酌
加圈點六月病篤

太宗垂涕遣侍臣諭曰朕以達海偶疾耳今竟不起惜哉
未寵任後當優恤其子

賜以蟒綺達海感泣而卒年三十八歲尋召其子三人
賜予甚厚追謚文成康熙八年其孫祕書院學士禪布乞

立碑

聖祖以達海精通滿漢文所增加字義於今賴之著有勞
績

命追立碑石

雅秦達海長子也天聰八年襲父職為騎都尉崇
德三年大軍征明入董家口抵燕京還軍青山口

明將以兵來襲雅秦率步卒擊敗之六年從圍錦州戰松山屢有功任吏部理事官八年改戶部順治元年從入關破流賊李自成加三等輕車都尉尋擢吏部侍郎八年擢國史院大學士三遇

恩詔晉爵三等男未幾卒康熙三十一年

聖祖追念前勞遣官祭其墓

阿山姓伊爾根覺羅世居穆溪從其父阿爾塔什歸我

太祖隸滿洲正藍旗俾大貝勒代善轄之大貝勒置不用
阿山頗觖望乘間逸去既而悔懼復歸請罪

太祖察其才特宥之置諸左右不以屬代善阿山遂感激
自効天命六年從征遼陽有功授二等輕車都尉
世職

太宗即位擢居十六大臣之列尋與都統楞額禮征札嚕
特率六百人入巴林多所俘獲進爵三等男天聰
元年從征朝鮮攻克義州城三年大軍征明從攻

紅山口取其城趨燕京戰永定門外陣擒其總兵
麻登雲四年圍永平以猛士二十四人冒礮火先
登遂克其城晉爵三等子五年從征大凌河以兵
三百徇松山路敗明兵二千未幾進都統八年畧
地錦州西征察哈爾收其潰衆以歸九年明人聞
我師將入大同檄山海關兵赴援阿山將前鋒兵
四百趨錦州以遏之遇明副將劉應選等於大凌
河縱兵突擊殪應選于陣擒遊擊曹得功等四人

斬級五百乘勝取臺堡一凱旋

太宗親勞之郊崇德元年從武英郡王阿濟格征明下鵬
鶚堡長安嶺二城別將兵攻克東安縣二年以舟
師攻皮島西北隅先登克之斬守將沈世魁晉一
等子予世襲六年從圍廣寧攻錦州者再並有功
七年復從饒餘貝勒阿巴泰征明入墻子嶺越燕
京南下山東屢戰皆捷順治元年從擊流賊李自
成於山海關自成敗走遂與都統瑪拉希自蒲津

濟破賊黨於平陽留鎮其地二年晉爵三等公是時西安已平豫親王多鐸還定河南移師下江南阿山以所部從自泗州渡淮攻克揚州督舟師而南敗明鎮海伯鄭鴻遠兵於瓜洲再敗之儀徵進取南京追擒明福王朱由崧于蕪湖乘勝偕貝勒博洛定浙江降明潞王朱常澆于杭州以次下嘉興湖州紹興寧波嚴州凱旋得

恩賚三年坐枉治所部雅巴海妻獄削爵罷都統任旋復

授一等子四年卒

薩璧翰姓納喇隸正藍旗滿洲先世居輝發父繳

坦

太祖時率屬來歸任佐領既卒薩璧翰代之

太宗即位列十六大臣視正藍旗副都統事天聰五年擢

戶部承政是年八月從圍大凌河城明兵出城拒
戰擊却之逐北至城濠八年考滿授騎都尉世職

崇德二年

命改隸饒餘貝勒阿巴泰會薩璧翰從子烏達哩以侍衛
從征朝鮮以蓋州駐防甲士為廝役事覺薩璧翰
失察革世職三年裁六部承政各一員改薩璧翰
為吏部叅政四年列議政大臣六年從攻錦州明
援兵自松山挑戰薩璧翰先驅突陣敵大至圍之
數重薩璧翰身被數創戰益酣左右馳擊大呼突
圍以出嗣以創發卒于軍長子漢楚哈次子喀爾
沁並任為佐領

鄂謨克圖姓納喇先世居葉赫

太祖時來歸隸滿洲正藍旗天聰元年從征寧遠明總兵
滿桂於城東列陣進擊之殪敵無算三年以護軍
校從征大同攻保安州城先登克之

賜號巴圖魯授三等輕車都尉世職崇德三年從睿親王
多爾袞征明由青山口入畧地至山東而還五年
六年兩從圍錦州多斬獲七年戰杏山追躡吳三
桂兵至連山大捷加世職二等輕車都尉順治元

年從入關擊走流賊李自成加世職一等輕車都尉從定山西下太原移兵赴陝西會英親王阿濟格師破自成兄子錦於延安時豫親王多鐸已入潼關下西安自成竄走湖廣二年

命英親王帥師征之鄂謨克圖以所部從每戰輒捷三年從討流賊張獻忠於四川平之叙功並遇

恩詔晉爵至一等男歷官副都統康熙十二年卒謚曰襄

壯

伊拜姓赫舍里隸正藍旗滿洲初事

太宗為佐領天聰八年授雲騎尉世職九年擢都統崇德元年從入長城攻克昌平定興諸州縣俘獲甚衆三年從入青山口越燕京略山東五年從圍錦州屢敗松山杏山援兵城中兵突圍出戰偕左翼軍擊卻之六年復圍錦州破其山巔步卒再破其騎兵於城下叙功晉騎都尉明總督洪承疇以兵十三萬救錦州營於松山伊拜倚杏山而軍以扼其

歸路既而明兵屢敗遂乘夜自松山竄走伊拜截擊之逐北至塔山斬馘無算順治元年從入關擊敗流賊李自成尋偕都統葉臣勦賊將陳永福於太原克其城招降旁近郡邑二年從英親王阿濟格出師塞上入榆林搗綏德敗自成兄子錦于延安會豫親王多鐸已破賊潼關克西安自成竄走湖廣遂移師躡賊南下武昌連拔其營尋自成走死九宮山錦與其黨降於明大學士何騰蛟並授

桂王朱由榔偽職騰蛟乃以所部舊將暨錦等分
設十三鎮竊據湖南諸州郡勢甚張五年鄭親王
濟爾哈朗率師征之伊拜以所部從六年下湘潭
執騰蛟分兵趨衡州距城三十里敵以兵千餘扼
橋結重柵而屯自橋迤南鱗次列寨抵城下伊拜
督兵爭橋大呼躍入其柵柵毀敵不能支皆反走
乘勝蹶之盡覆其寨進薄城陣斬偽總兵陶養用
遂定衡州大軍別徇寶慶辰州武岡沅州靖州俱

捷七年凱旋得

恩賚九年列議政大臣累晉爵至三等男十五年卒年六

十有五

賜祭葬立碑墓道以其第三子費揚古襲

阿爾津姓伊爾根覺羅隸正藍旗滿洲世居穆溪

父齊瑪塔

太祖時來歸阿爾津與從兄阿山屢從征伐積功授二等

輕車都尉世職天聰四年永平灤州失守

太宗盡繫諸將以阿爾津於灤州城內曾力戰既出復能
殺敵特賞之九年大軍征察哈爾時阿爾津駐歸
化城擒追喀爾喀部通明謀間獲其駝馬等物晉
世職一等輕車都尉崇德元年

太宗親征朝鮮其國王李倬遁入南漢山城阿爾津率精
銳追躡敗其援兵于要隘二年率每旗親軍五人
往鐵山緝明哨卒尋列議政大臣六年明總督洪
承疇守松山阿爾津屢擊敗其步騎兵敵走保一

臺阿爾津率三旗護軍攻克其臺斬敵將三人盡殲其衆復破敵營三并援出前鋒之被圍者順治元年從入關追敗流賊李自成於安肅尋以從征江南四川並有功屢加世職至一等子爵又一雲騎尉九年授定南將軍勦湖廣賊寇十二年授寧南靖寇大將軍守荊州統兵破賊渠姚黃於夷陵招撫蠻部洞酋十五年進征雲南卒於軍

詔贈太子太保謚端果立碑如例

庫爾禪伊拜弟也初任佐領天聰九年從征黑龍江有功授雲騎尉世職崇德三年擢都察院理事官兼任叅領五年從工部承政薩穆什喀征索倫師還其部長博穆博果爾與烏拉兵邀戰於路擊敗之尋從攻錦州三戰皆捷六年擢都察院叅政再圍錦州明兵自松山來援奪我巨礮力戰卻之敵悉衆犯我山巔營率所部擊斬四十一人敵棄軍械潰走所獲甚衆八年擢副都統順治元年從

入關敗流賊李自成于望都二年從豫親王多鐸擊賊潼關連破其兩營四年駐防濟南遣兵勦土賊謝遷等于淄川明年還京授都察院承政尋改叅政六年偕都統譚泰征江西叛鎮金聲桓卒于軍前此屢以功叙並遇

恩詔晉世職為一等輕車都尉及是以其子舒赫襲

科爾崑姓阿顏覺羅隸正藍旗滿洲初為貝勒阿巴泰護衛天聰六年從征察哈爾崇德元年從征

朝鮮皆有功授前鋒護衛五年從鄭親王濟爾哈朗圍錦州偕佐領索歡敗明兵於松山明總督洪承疇以兵十三萬來援挫其前鋒六年從英親王阿濟格駐師杏山擊走寧遠騎兵追至連山馬中流矢仆科爾崑躍起手斬騎者一人乘其馬而還尋英親王閱視寧遠城濠科爾崑與索歡從敵騎猝至戰卻之衛王以行而索歡陷重圍科爾崑復單騎突入圍翼之出七年從貝勒阿巴泰征明下

薊州破明總督范志完軍於豐潤又偕前鋒叅領
鄂碩破其援兵八年授佐領兼兵部理事官順治
元年四月擊敗流賊李自成於山海關再敗之望
都六月從都統葉臣勦賊黨陳永福於太原戰城
下賊未衄遽斂兵入城計必乘夜襲我營遂設伏
以待夜半賊果至伏發盡殲之卒下其城從英親
王追李自成於湖廣連破賊叙功授世職騎都尉
兼一雲騎尉三年從肅親王豪格勦流賊張獻忠

過漢中擊敗叛鎮賀珍兵進擊獻忠於西充之鳳
皇坡殪之分勦其餘黨斬獲甚衆五年凱旋洵晉
二等輕車都尉六年任前鋒叅領從鄭親王濟爾
哈朗證明桂王朱由榔於湖廣進兵湘潭破西山
擒其大學士何騰蛟乘勝下寶慶武岡分兵克沅
州道州復晉一等輕車都尉兼一雲騎尉九年從
敬謹親王尼堪戰於衡州偽晉王李定國列象陣
以拒科爾崑發矢貫象鼻象奔大破定國兵又敗

偽秦王孫可望於寶慶而敬謹親王以窮追定國
沒於陣科爾崑還奏捷諱之既而事

聞乃坐奪爵十三年擢護軍統領十四年孫可望來降定
國與偽鞏昌王白文選擁由榔據雲南大軍分三
道進討科爾崑從大將軍洛託自沅州入貴陽與
副都統瑪爾賽將趨黃平州聞文選方踞七星關
瑪爾賽分兵由萬奇嶺攻其前挑文選出戰佯北
以致其追而自率兵三千出間道攻其後呼噪縱

擊文選後軍亂瑪爾賽還師夾攻之賊潰遁遂取
黃平明年還京初李自成死餘賊郝永忠等降於
何騰蛟騰蛟就擒永忠與其黨李來亨劉汝魁竄
伏歸州興山間康熙二年

命都統穆哩瑪圖海討之圖海出歸州勦汝魁諸賊穆哩
瑪出宜昌勦來亨諸賊科爾崑以護軍隸穆哩瑪
率兵五千先驅搗其巢于茅麓山永忠來亨悉衆
拒戰時穆哩瑪既以大軍至與科爾崑登高覘賊

勢伺其稍怠縱兵擊破之科爾崑曰賊既創將致死於我軍計必乘夜襲我營乃簡勁卒伏隘口來亨率衆萬餘來犯遇伏大敗去明日賊集敗衆數千列刀盾而陣我兵張兩翼緩進科爾崑疾攻其中堅鋒既交兩翼兵橫擊之賊敗潰賊有別巢曰譚家砦多儲積芻糧倚以濟餽為持久計科爾崑分兵攻之拔其柵賊將李嗣名中流矢死賊以死守砦科爾崑以兵斷其汲道未二旬賊渠高必正

黨守素率其屬一百六十餘人來降科爾崑旋師
與穆哩瑪合而圖海亦滅汝魁諸賊會師茅麓山
作長圍以困之來亨自經死餘黨悉降乃班師以
功授雲騎尉世職八年卒

賜祭葬如典禮子摩囉歡襲

覺羅郎球隸正藍旗滿洲

景祖第三兄索倫阿之曾孫也初任理事官兼護軍叅領
崇德六年從征錦州擊敗松山援兵既而明總兵

王樸吳三桂自杏山敗遁郎球與內大臣錫翰等
設伏高橋截擊之追至塔山盡殲其衆樸三桂僅
以身免七年授禮部參政明年擢承政順治元年
改任禮部尚書贊定

郊

廟大典二年隨順承王勒克德渾征流賊於湖廣明年師
至石首偵知賊欲渡江走荊州郎球乃分兵趨江
濱覘賊既渡盡取其舟及大軍擊賊荊州賊敗還

不得渡悉俘斬之尋授三等輕車都尉歷遷吏部
刑部尚書兼滿洲正藍旗都統八年英親王阿濟
格有罪坐徇隱免官奪世職九年復任禮部尚書
列議政大臣十一年遷戶部累加少保兼太子太
保十三年坐庇員外郎朱世德請免其所虧權帑
遂罷康熙五年卒年七十有三

賜祭葬如例

費揚武姓納喇隸正藍旗滿洲累官叅領崇德七

年冬從貝勒阿巴泰征明甫入邊明山海關總兵馬科迎戰費揚武破走之遂越燕京趨山東力戰膠州城外破明兵千餘乘勝薄濱州以雲梯克其城及師還先後破明總督范志完總兵吳三桂軍衛所俘以還叙功授雲騎尉世職順治元年從入關大破流賊李自成騎兵尋署護軍統領從豫親王多鐸追勦自成師抵潼關賊將劉宗敏等引衆拒戰費揚武率所部兵敗賊山下連破其兩營二

年移師下江南攻揚州獲船二百餘進抵江寧逐
北至蕪湖明總兵黃得功敗死尋從貝勒博洛定
浙江擊走明閣部馬士英於杭州復以兵平海寧
平湖土寇獲明總兵王之仁戰艦十有六十二月
授議政大臣屢以功晉騎都尉加一雲騎尉于世
襲四年從征福建卒於軍以其子雅素喀襲

武達禮姓納喇隸正藍旗滿洲初為前鋒侍衛兼
王府長史崇德八年擢國史院學士順治元年從

豫親王多鐸討李自成進師潼關下西安自成走
商州二年移師下江南三年從端重親王博洛征
福建時明唐王朱聿鍵僭號福州海賊鄭芝龍受
偽爵為平國公大軍入閩擒斬聿鍵芝龍猶擁兵
觀望端重親王遣武達禮赴泉州開諭之芝龍乃
降五年擢工部啟心郎八年遷刑部屢遇

恩詔晉世職三等輕車都尉十一年擢兵部左侍郎專司
督捕十七年以督捕不力降通政使並降世職為

騎都尉

聖祖即位擢吏部侍郎康熙五年以病免八年起刑部侍郎歷任工部刑部禮部吏部尚書二十年三月致仕五月卒

賜祭葬如例

錫特庫隸正藍旗滿洲自幼從征伐天命初授備禦天聰四年從征明擊敗其前哨八年九年畧明錦州有俘獲崇德二年同勞薩等往偵明邊俘斬

其二十二人還七年八明邊斬其守備等員俘獲甚衆論功授二等叅領世職順治元年從入關平定山西太原等處復有功三年從追騰吉思累加世職一等男

扈扎拉隸正藍旗滿洲父瑚什崇德二年在皮島陣亡見忠節傳扈扎拉襲父佐領六年從征明錦州有功順治初加二等輕車都尉官副都統康熙十二年卒

賜祭葬如典禮

蘇法蘇魯邁第三弟也初任佐領崇德三年從征
明攻克山東泗水順治元年追敗流賊于潼關得
功三次旋征江南攻克宜興崑山累加三等輕車
都尉世職

哈爾松阿姓鄂卓隸正藍旗滿洲初任禮部叅政
天聰八年奉

命往迎察哈爾歸附之衆收五千戶而歸又以出使土

特功授佐領世職崇德三年更定官制改為理事官四年隨征薩哈連烏拉有功五年隨征明圍錦州敗松山步兵六年復圍錦州敗明經畧洪承疇三營步卒又以屯田著績順治初累加世職至二等輕車都尉

滿都禮隸正藍旗滿洲世居葉赫東城葉赫未平時即先衆來歸

太祖遣之諭葉赫往返十二次盡招其親族來歸論功授

備禦世職天命四年從攻撫順六年從征遼陽俱克敵有功被創不稍退敵兵侵我臺堡奮擊敗之以功加遊擊世職任叅領尋以從征寧遠緣事革世職仍任叅領兼佐領及征棟鄂卒於軍

碩什烏巴什姓納拉隸正藍旗滿洲天命七年奉命往招察哈爾察哈爾汗不從且誘之降碩什烏巴什不屈囚之三載乘間得脫裸體忍饑逃歸

太祖憫之給人戶有差又奉

敕招諭巴克貝勒時有昂阿貝勒者以兵邀諸路諸人皆
畏懼碩什烏巴什獨挺身前進大敗其衆直抵其
地招諭而還

太祖嘉之以御用袍帶及馬

賜之授備禦世職

薩木哈圖隸正藍旗滿洲天聰三年隨

太宗征明攻遵化先登克其城

太宗以金卮酌酒勞之授備禦世職仍

諭以有過俱赦家貧卹

賜號巴圖魯並賚馬駝緞布等物八年卒

寧格禮姓寧古塔隸正藍旗滿洲

國初來歸以功授世職三等叅領崇德八年隨征黑龍江及雅克薩奮勇擊敵論功加授二等叅領世職同旗有尼哈哩亦以軍功授世職三等叅領希雅爾球隸正藍旗滿洲崇德三年隨征明至山東攻棲霞以第二人登城拔之順治間三遇

恩詔加三等輕車都尉世職

諾木圖隸正藍旗滿洲天聰八年授佐領崇德五年從征明圍錦州我師駐呂翁山巔明總兵吳三桂縱兵來犯擊敗之六年再圍錦州擊松山兵有功順治初入關追敗流寇有功累加二等輕車都尉世職

達理善隸正藍旗滿洲

國初從征羅刹與敵戰於江中首先躍入賊船破之

論功授佐領世職

隨蓀隸正藍旗滿洲天聰八年往探明寧遠壕塹
路遇明兵擊敗之又敗明沙河所兵順治元年從
入關敗賊偽總兵唐通于一片石又追賊至安肅
斬馘甚衆至慶都復大破之論功並屢遇

恩詔加三等輕車都尉

拜音察理隸正藍旗滿洲天聰八年從征明攻保
安州先登破之論功加優叙復以其子什特庫入

關破流賊有功加贈二等輕車都尉

袁泰隸正藍旗滿洲崇德三年隨征明至山東攻沂水以第一人登

賜號巴圖魯授佐領世職順治元年從入關擊流賊敗之又追敗之於慶都論功三遇

恩詔加二等輕車都尉世職

巴蘭姓博爾濟錦隸正藍旗滿洲崇德三年從征明敗明兵於臺頭營渾河岸等處順治二年隨南

征至湖廣浙江屢戰有功授一等叅領五年從征
福建沿途招降郡縣復敗賊于泉州南安論功屢
遇

恩詔加二等男世職

巴輅隸正藍旗滿洲初從征薩哈連烏拉有功任
佐領崇德三年隨征明山東攻克陵縣又連敗明
兵順治元年從定山西敗流寇於絳州二年南征
敗賊於九江之富池口復追擊至湖廣承天獲戰

艦無算三遇

恩詔加三等輕車都尉世職

拜音達哩隸正藍旗滿洲崇德三年隨征明攻山東棲霞以第一人先登克之

賜號巴圖魯授佐領世職順治三年隨征福建進攻延平累戰有功三遇

恩詔加二等輕車都尉

剛阿達姓達木扎隸正藍旗滿洲崇德三年隨征

明至廣平圍臨洺關以第二人登城拔之順治初累加三等輕車都尉世職

卓和諾姓台楚魯隸正藍旗滿洲崇德三年從征明攻南宮先登克之八年復從征明敗明兵於三河順治元年隨入關擊流寇復有功三遇

恩詔加二等輕車都尉世職

篇古隸正藍旗滿洲崇德三年從征明山東敗明兵於膠州進攻濱州督雲梯先登順治初入關擊

破流賊于潼關平定河南江寧俱在事有功尋至
浙江敗明偽大學士馬士英軍復敗之平湖論功
以佐領加一雲騎尉

琿達理隸正藍旗滿洲崇德三年隨征明攻霸州
以第三人登順治初遇

恩詔加三等輕車都尉同旗有邦鈕崇德三年從征明攻
鵬鶚城有功又有弼赫納崇德八年從征明攻濱
州有功皆累加輕車都尉世職

綽達什隸正藍旗滿洲崇德三年從征明敗明太
監高起潛軍又敗其錦州兵六年從圍錦州擊敗
明松山兵及明經畧洪承疇三營軍明年征寧遠
敗明總兵吳三桂軍順治二年追敗流賊于潼關
及平河南江寧俱在事有功尋至浙江敗明偽大
學士馬士英于杭州獲戰艦無算三年從追騰吉
思敗土謝圖汗及碩雷汗兵又連敗賊張二等六
年從征山西叛鎮姜瓖大敗其兵九年征鄂爾多

斯復有功十一年從平廣東累加一等輕車都尉
世職

珠赫納姓伊拉哩隸正藍旗滿洲崇德三年隨征
明至山東屢敗敵有功順治初遇

恩詔加世職三等輕車都尉十一年從征廣東破偽晉王
李定國軍於新會論功加二等輕車都尉世職

蘇爾德隸正藍旗滿洲崇德五年從征明圍錦州
敗松山杏山軍六年再圍錦州敗明經畧洪承疇

軍明年從征寧遠復在行間有功順治元年隨入
關擊流寇二年追敗流賊於潼關及南征克江寧
進師高淳復敗敵有功授佐領世職三年從定福
建連敗敵兵於建寧汀州論功又加一雲騎尉同
旗有布岱崇德時從征山東以功

賜號巴圖魯授佐領順治初加二等輕車都尉世職

瑚紐隸正藍旗滿洲崇德二年從圍錦州擊敗明
經畧洪承疇軍復夜逐哨卒多俘馘順治元年隨

入關追流賊有功嗣遇

恩詔加世職三等輕車都尉十五年從征貴州擊偽總兵
羅大順軍連戰勝之凱旋至江南敗海賊鄭成功
之衆論功加授二等輕車都尉世職

傅魯肯隸正藍旗滿洲崇德八年從征明至山東
攻武城以第一人登

賜號巴圖魯授佐領順治初贈二等輕車都尉世職

蘇勒特姓氏覺羅隸正藍旗滿洲崇德五年從征

明圍錦州連敗杏山松山兵六年復圍錦州破明
經畧洪承疇三營軍八年征寧遠城中兵出戰擊
敗之順治元年隨入關破流賊有功二年追破流
賊於潼關五月平定江南又屢敗敵兵於高淳鎮
平以功授佐領世職三年隨平福建薄建寧延平
汀州皆在事有功加一雲騎尉

嘉塔隸正藍旗滿洲初從征明燕京及寧遠皆有
功崇德三年圍錦州擊敗明松山兵順治元年以

入關擊流寇有功加佐領世職是年冬追勦流寇
至陝西綏德延安等處連戰皆捷追至武昌復破
其衆師至九江獲戰艦無算屢破賊衆三年從征
騰吉思擊敗土謝圖汗及碩雷汗兵以功累遇

恩詔加一等輕車都尉世職

希佛姓民覺羅隸正藍旗滿洲崇德六年從圍錦
州擊敵有功得

賜馬順治初從擊流寇著有勲績又以破海寇鄭成功累

加雲騎尉世職

蘇斐隸正藍旗滿洲崇德三年從征明至山東攻
臨淄掘壕克之授佐領順治元年隨追流寇三敗
其衆於潼關二年從征江南攻克宜興崑山常熟
等處錄功加優叙

欽定盛京通志卷七十四